

Rangka pelan jangka panjang

Bagi memacu pertumbuhan ekonomi negara pasca pandemik Covid-19

KUALA LUMPUR

Kerajaan perlu merangka strategi atau pelan pemulihan jangka panjang untuk memacu pertumbuhan ekonomi negara pasca pandemik Covid-19.

Menurut Pensyarah Keusahawanan Fakulti Perniagaan dan Perakaunan Universiti Malaya, Profesor Madya Dr Aida Idris, sudah tiba masanya untuk kerajaan bersama-sama Majlis Pemulihan Negara yang ditubuhkan baru-baru ini menjana satu pelan yang membolehkan ekonomi Malaysia bergerak dalam satu jangka masa panjang.

“Satu perancangan kelangsungan ekonomi untuk tempoh lima hingga 10 tahun ke hadapan perlu



Kerajaan perlu menjana satu pelan yang membolehkan ekonomi Malaysia bergerak dalam satu jangka masa panjang. Gambar kecil: Azali.

ada supaya negara dapat keluar daripada krisis kesihatan yang melanda negara sejak tahun lepas sepenuhnya,” katanya dalam program Ruang Bicara bertajuk ‘Bagaimana Pemulih Memulih?’ terbitan *Bernama TV* malam Selasa.

Sementara itu, Pensyarah Sekolah Perniagaan dan Ekonomi Universiti Putra Malaysia, Profesor Datuk Dr Azali Mohamed pula ber-

kata, walaupun pakej yang diperkenalkan sebelum ini amat penting untuk golongan tertentu, bantuan tersebut hanyalah untuk kelangsungan dan tidak mungkin dapat digunakan untuk tujuan simpanan.

“Suntikan yang diberikan kerajaan hanya untuk jangka masa pendek,” katanya. - *Bernama*